

01 磅米芳

張淑芳

「欲磅矣！」聽著這句話，囡仔人耳空隨掩起來，等phòng一聲煞，隨閣倚過去看，彼是一種期待、一種歡喜、一種幸福的感覺。

毋知你敢有食過米芳？毋是彼種店仔買會著，食著有芳有芳彼種，是彼種現磅起來，燒燒脆脆閣甜甜彼種。佇民國五、六十年代，真濟囡仔人無啥物四秀仔通食，三頓食會飽就偷笑矣。除非是過年，平常時根本毋敢想欲食糖仔餅，所以見若聽著有人咧喝：「磅米芳的來矣。」規陣囡仔就歡喜甲。阿母看看囡仔遮爾歡喜，想講平常時嘛毋捌提錢予囡仔買糖仔食，這時陣實在毋甘予囡仔失望，總是會予阮提空的牛奶罐仔貯一管米，去磅米芳遐排隊。

長一排等欲磅的罐仔排佇塗跤，會當看出每一家口仔環境的好黑。厝內較艱苦的較細罐，厝內較會得過的就較大罐，面頂閣會加圓一包塗豆。毋過無論環境啥款，囡仔人全款足樂暢的。佇邊仔看頭家咧磅米芳，逐家目睭攏金金相，看頭家煮糖漿，倒入去今仔磅好的米內底，攪攪咧才閣倒入去柴盤仔內面砵予平，趁燒切做一塊一塊。切米芳的聲音是遐爾好聽，囡仔人的喙瀾是強欲津落來。

啊若厝裡無閒愛鬥作穡的囡仔，無法度踎現場看頭家

表演，厝邊隔壁的囡仔嘛會做報馬仔，報講後一个就是恁兜矣。囡仔知影免恁久就有芳閣脆的米芳通食，未曾未就喙笑目笑。阿母佇邊仔看，嘛綴咧歡喜，啊這個月的米是毋是有夠通食，就先莫去想矣。

這幾年仔已經罕得看有人咧磅米芳矣，彼工去菜市仔，想袂到煞看看有人咧磅，磅好幾若袋因佇邊仔聽候人買，毋過攏無人來交關。米芳攏冷去矣，頭家嘛是相連紐咧磅。一聲「欲磅矣！」逐家閃甲離離離，驚去予嚇驚著。phòng一聲，聲音聽起來煞有淡薄仔孤單。我共頭家買一包仔來食，全款甜甜脆脆，毋過食著的是一種記持，我已經食無彼種幸福的滋味矣！

02 錢筒仔

林桂鄉

人講：「勤儉較有底，浪費不成家。」阮從細漢爸母就不時按呢教示阮。佇往擺的農村，作穡人跤手攏真欠缺，差不多入小學開始，阮就有機會通做囡仔工，會當趁錢做所費。桃仔內有大伯、二伯恰阿爸。過祧的有大叔、二叔恰三叔。前後兩棟正身護龍，仝款三兄弟、仝款攏作穡。大人會派工課予阮做，囡仔人有伴就歡喜，閑有錢通趁，逐家嘛攏興tshih-tshih。無論薺草、擘甘蔗筴、洗蔥、挽菊花，托洛神花，攏做甲真骨力。囡仔人有錢通趁，序大人就用心計較，愛囡仔共錢儉起來。

儉錢就袂當無錢筒仔。阿玲的錢筒仔是一隻透明的塑膠豬公，腹肚內有佢濟財產清清楚楚，逐擺遠遠聽著賣pā-pu的聲，伊就擋袂牢。豬公摺咧，提一枝箸拚性命挖。阿芬的錢筒仔是瓷仔做的『大同寶寶』，跤底會落財，所以永遠都食袂飽。阿美的錢筒仔是阿母，錢儉入去就領袂出來，見擺逐家買四秀仔，伊干焦會當吞喙爛，定定怨嘆阿母親像軟血的牛虻。我的錢筒仔是阿爸去鋸的竹管，頂節留兩寸長，鑽空掛佇壁頂，竹管頂鋸一逝縫纒錢。我真拍拚做工、趁來的一仙五厘攏儉起來，三五月日就共一管錢筒仔貯甲湏滿。

阿爸夯柴刀將錢筒仔破做片，所有的銀角仔親像放出籠的鳥仔，行東往西砵砵輾。我十個十個那疊那算，親像有金山銀山的好額人遐爾歡喜，一遍閣一遍仙算嘛袂磨。拈幾箍銀起來買四秀仔慰勞家己，賭的攏提予阿母去農會寄新的錢筒仔又閣開始陪我招財進寶。

阿爸上愛四界展風神講：「阮阿如上愛讀冊，學費攏伊家己趁的，伊儉錢欲讀甲博士博。」逐个阿叔、阿伯嘛攏贊聲掛保證：「三歲牢皮、五歲牢骨，咱阿如毋但勢讀冊，做工課嘛是削削叫，後擺一定是狀元才。」就按呢我誠拚勢，儉錢、讀冊攏欲搶第一。錢筒仔貯滿一个閣一个，獎狀領過一張閣一張。佇我的記持內底，嘛儉著序大予我濟濟的牽教恰肯定，彼是我上蓋價值的私奇，予我感覺家己的人生是遮爾仔好額。

03 快樂的兒童節

吳秀卿

今仔日是學校一年一擺的兒童節慶祝活動。踏入校門就看著司令台布置甲嬲噹噹，五花十色的雞娃仔，敢若一座美麗的城堡。運動埕頂頭一排一排的風吹輪綫風一直轉、一直轉，若咧跳舞、若咧唱歌歡迎阮遮的小公主、小王子。

八點鐘仔聲霆，校長就敲鑼宣佈活動開始。一大陣的學生因仔親像放出籠的鳥仔，衝對運動埕去。頭前排是灌風的跣流籠、電動機車站、雪文波王國、投籃勇士隊、野球九宮格，有夠熱鬧！閣較內底猶有電影院、小丑仔樂園。哇！學校變做一個遊樂園呢！英雄看著美國隊長、蜘蛛人佇入口迎接阮，原來逐關的關主攞是老師妝的。

我先去騎電動 oo-tóo-bái，體驗騎車的威風，才閣去小丑仔樂園。小丑仔阿叔有夠古錐，伊做足濟好耍的動作共逐家弄甲笑哈哈，閣予阮捏伊的紅鼻仔，捏一下就吱一聲、捏兩下就吱兩聲，害阮笑甲攞腹肚。繼落來，閣去上蓋受歡迎的電動投籃球機台，排隊的人軀軀長。誠無簡單輪著我，我就功夫盡展，連繼投三粒入去，趁三塊糖仔。

用野球擊九宮格閣較愛靠技術，我球提咧相準準大力擊出去，輕輕鬆鬆就共九個格仔攞擊倒，現場噯仔聲霆袂煞，予我足有成就感的！上尾，走去看電影恰雪文泡王國

耍，會使講逐項攞耍透透，耍甲足歡喜的，我感覺阮正港是今仔日上奢颺的主角。

十一點一下到，逐家攞準時集合，因為上刺激的節目就欲起鼓矣！彼就是班級跣灌風的跣流籠比賽。聽著甯仔聲，規班衝對跣流籠遐去。逐家團隊合作，下面的人共頂面的人門揀，一個接一個拚命跣起去頂懸。等規班攞跣到，位才同齊跣落來，雖然逐家攞跣甲大粒汗細粒汗，毋過，笑容是遐爾甜、遐爾仔滿足。這場比賽嘛是今仔日上精彩

的『Ending』。

這擺的兒童節活動，袂輸一場刺激的冒險，嘛親像眠夢全款。感謝所有的老師恰志工，替阮設計遮爾心適的活動，予阮會當歡歡喜喜過一個快樂的兒童節。